

馬元臺
張隱庵

合註素問靈樞

上海錦章書局
出版

靈樞經序

先儒有云經傳而經亡非經亡也亡於傳經者之精而以狃求之深而以淺視之之失其旨歸也夫靈素之為烈於天下也千百年於茲矣然余嘗攷漢藝文志曰黃帝內經一十八卷而靈樞居其九素問亦居其九昔人謂九靈樞而后素問者何也蓋以素問為世人病所由生也病所生而弗慎之則無以防其流故篇中所載陰陽寒暑之所從飲食居處之所攝五運生制之所由勝復六氣時序之所由逆從靡弗從其本而護制之以示人維持而生人之患微矣若靈樞為世人病所由治也病既生而弗治之則無以通其源故本經所論榮衛血氣之道路經脈藏府之貫通天地歲時之所由法音律風雅之所由分靡不藉其鍼而開導之以明理之本始而惠世之澤長矣是靈樞素問為萬世所永賴靡有息也故本經曰人與天地相參日月相應而三才之道大備是以人氣流行上應日行於二十八宿之度又應月之盈虧以合海水之消長且以十二經脈藏府外合於百川匯集之水咸相符也故本經八十一篇以應九九之數合三才之道三而三之成九九八十一篇以起黃鐘之數其理廣大其道淵微傳竹帛而使萬世黎民不罹疢毒之患也孰不賴此經也哉乃自黃甫士安類為甲乙鍼經而玄臺馬氏又專言鍼而昧理俾後世遂指是鍼為鍼傳而忽之而是經幾為贅疣矣余憫聖經之失傳懼後學之沿習遂忘愚昧素問註疏告竣復集同學諸公舉靈樞而詮釋之因知經意深微旨趣層折一字一理確有指歸以理會鍼因鍼悟證彈心研慮雞鳴風雨未敢少休庶幾藉此可告無罪乎俾後之人讀素問而嚴病之所以起讀靈樞而識病之所以廖則藏府可以貫通經脈可以出入三才可以合道九鍼可以同法察刑氣可以知生死壽夭之源觀容色可以辨邪正美惡之類且也

因九鍼而悟浴書之妙理分小鍼而并識河圖之微情則前民用而範圍不過者大易之傳統乎是矣則利
民生而裁成不遺者墳典之傳亦統乎是矣敢以質之天下後世之同學者亦或有以諒之灌溉也夫

康熙壬子癸夏錢塘張隱菴書於西冷怡堂

黃帝內經靈樞目錄

第一卷 九鍼十二原第一

本輸第二

小鍼解第三

邪氣藏府病形第四

根結第五

壽夭剛柔第六

官鍼第七

第二卷 本神第八

終始第九

經脈第十

第三卷 經別第十一

經水第十二

經筋第十三

骨度第十四

五十營第十五

營氣第十六

脈度第十七

營衛生會第十八

四時氣第十九

五邪第二十

寒熱病第二十一

第四卷 癰狂病第二十二

熱病第二十三

厥病第二十四

病本第二十五

雜病第二十六

周痺第二十七

口問第二十八

第五卷 師傳第二十九

決氣第三十

腸胃第三十一

平人絕穀第三十二

海論第三十三

五亂第三十四

脹論第三十五

五癃津液別第三十六

五閱五使第三十七

逆順肥瘦第三十八

血絡第三十九

陰陽清濁第四十

陰陽繫日月第四十一

病傳第四十二

淫邪發夢第四十三

順氣一日分為四時第
四十四

外揣第四十五

五變第四十六

第六卷 本藏第四十七

禁服第四十八

五色第四十九

論勇第五十

背輸第五十一

衛氣第五十二

論痛第五十三

天年第五十四

逆順第五十五

五味第五十六

水脹第五十七

賊風第五十八

第七卷 衛氣失常第五十九

玉版第六十

五禁第六十一

動輸第六十二

五味第六十三

陰陽二十五人^{第六十四}

五音五味第六十五

百病始生第六十六

第八卷 行鍼第六十七

上膈第六十八

憂恚無言第六十九

寒熱第七十

邪客第七十一

通天第七十二

官能第七十三

論疾診尺第七十四

刺節真邪第七十五

第九卷 衛氣行第七十六

九宮八風第七十七

九鍼論第七十八

歲露論第七十九

大惑論第八十

癰疽第八十一

補遺 即素問缺此二論故補

補刺法論第八十二

補本病論篇第八十三

第十卷 補遺

靈樞經合纂卷之一

錢塘張隱庵

兩先生合註

會稽馬元臺

同學高世拭士宗參訂
門人王弘義子芳
黃紹鉞載華校正

註靈樞者內經篇名蓋內經為總名中有素問八十一篇靈樞八十一篇素問曾經唐寶應年間啟元子王冰有註其靈樞自古迄今並無註釋晉皇甫士安以鉞經名之按本經首篇九鉞十二原中有先立

王冰釋素問以靈樞鉞經經名宋成無已釋傷寒論及各醫籍凡引靈樞者皆不出自靈樞而曰鉞經其端皆始於皇甫士安也但鉞經二字止見於本經首篇其餘所論營衛輸穴關格脈體經絡病症三才萬家靡不森具雖每篇各病必用其鉞自後世易靈樞以鉞經之名遂使後之學者視此書止為用鉞棄而不習以致醫無入門術難精詣無以療病起危深可痛惜豈知素問諸篇隨問而答頭緒頗多入徑殊火靈樞大體渾全細目畢備猶儒書之有大學三綱八目總言互發真醫家之指南其功當先於素問也今愚析為九卷者按班固漢書藝文志曰黃帝內經十八卷素問九卷靈樞九卷乃其數焉又按素問離合真邪論黃帝曰夫九鉞九篇夫子乃因而九之九九八十一篇以起黃鍾數焉大都神聖經典以九為數而九九重之各有八十一篇王冰分靈樞為十二卷宋皮崧分為二十四卷者皆非也愚今分為九卷一本之神聖遺意耳後世道德經難經俱八十一篇其義仿此然謂之曰靈樞者正以樞為門戶闔闢所繫而靈乃至聖至元之稱其書之切何以異是且愚註釋此書並以本經為照應而素問有相同者則援引之至于後世醫籍有訛者則以經旨正之於分註之下然後之學者當明病在何經用鉞合行補瀉則引而伸之用藥亦猶是矣切勿泥為用鉞之書而與彼素問有所軒輊于其中也

九鉞十二原第一

註內有九鉞之名又有十二原穴故名篇自篇內小鉞之要以下岐伯盡解於第三篇小鉞解之內故愚釋此篇即以小鉞解之義入之不致妄用臆說也素問有鉞解篇亦與此二篇小同當合三篇而觀之其義無餘蘊矣舊本以第一篇為法天第二篇為法地三篇為法人四篇法時五篇法音六篇法律七篇法星八篇法風九篇法野乃後人襲本經七十八篇九鉞論之意而分註之殊不知彼乃論鉞而非論篇目也甚為無理故愚削之

黃帝問於岐伯曰余子萬民養百姓而收其租稅余哀其不給而屬有疾病余欲勿使被毒藥無用砭石欲

以微鍼通其經脈。調其血氣。榮其逆順。出入之會。令可傳於後世。必明為之法。令終而不滅。久而不絕。易用難忘。為之經紀。異其章。別其表裡。為之終始。令各有形。先立鍼經。願聞其情。岐伯答曰。臣請推而次之。令有綱紀。始於一。終於九焉。按本紀。記帝經土設井立步制。畝藝五穀。養萬民。而收租稅。設有疾病。則不能力田。以供餘食矣。故帝欲則子萬民。收租稅。信矣。令平聲。易去聲。別彼劣切。

張按本紀。帝經土設井立步制。畝藝五穀。養萬民。而收租稅。設有疾病。則不能力田。以供餘食矣。故帝欲立九鍼。微鍼之法。傳於後世。令終而不滅。毒藥所以攻疾也。砭石所以泄邪也。二者皆攻瀉之法。微鍼能通調血氣也。逆順出入者。皮膚經脈之血氣。有逆順之行。有出入之會。蓋人秉天地之氣。所生陰陽血氣。參合天地之道。運行無息。少有留滯。則為疾病。故帝以天地人之道。而立九鍼。用九鍼之法。以順人之陰陽。血氣合于天道焉。明其理。則易用。持于心。則難忘。經裡紀維也。按篇名九鍼。而帝曰微鍼。岐伯曰小鍼。是九鍼之外。又立小鍼焉。九鍼者。聖人起天地之數。始於一。終於九九。而九之九九八十一。以起黃鍾之數。用九鍼而合小鍼者。以陽數五。陰數五。五位相得。而各有合。以應河圖之數也。帝繼伏羲神農氏。而作即以兩儀四象。河圖奇偶之數。用法於鍼。所以修身治國。平天下。皆國以民為本也。

註此帝欲立針經而伯遂推而次之也

請言其道。小鍼之要。易陳而難入。粗守形。上守神。神乎神。客在門。未覩其疾。惡知其原。刺之微。在遲速。粗守關。上守機。機之動。不離其空。空中之機。清靜而微。其來不可逢。其往不可追。知機之道者。不可掛以髮。不知幾。道扣之不發。知其往來。要與之期。粗之闕乎。妙哉。工獨有之。往者為逆。來者為順。明知逆順。正行無間。迎而奪之。惡得無虛。追而濟之。烏得無實。迎之隨之。以意和之。鍼道畢矣。按素問至真要大論亦有明知順逆正行無間二句。但彼論標本而

此論鍼法辭
同而意異也

張易陳難入者。易言而難著於人也。粗守形者。守皮膚筋肉骨之刺。上守神者。守血氣之虛實。而行補瀉也。神乎神。神甚賢。其得神之妙。門者。正氣出入之門。客在門者。邪循正氣出入之所也。未覩其何經之疾。惡知其受病之原。言當先察其邪之所在。而取之也。是速用針出入之疾。徐也。粗守關者。守四肢之關節。上守機者。守其空而當刺之時。如發弩機之速也。不離其空者。乘空而發也。夫邪正之氣。各有盛衰之時。宜補宜瀉。當靜守其空中之微。不可差之毫髮。如其氣方來。乃邪氣正盛。邪氣盛。則正氣大虛。不可乘其氣來。即迎而補之。當避其邪氣之來。銳其氣已往。則邪氣已衰。而正氣將復。不可乘其氣往。追而瀉之。惡

傷其正氣在于方來方去之微而發其機也離合真正邪論曰俟邪不省大氣已過瀉之則真氣脫脫則不復邪氣復至而病益蓄故曰其往不可追此之謂也是以其來不可逢其往不可追靜守於來往之間而補瀉之少差毫髮之間則失矣粗工不知機道叩之不發補瀉失時則血氣盡傷而邪氣不下知其往來者知邪正之盛衰要與之可取之期而取之也粗工之闕而良工獨知之是故工之所以異也若氣往則邪正之氣虛少而補瀉之為逆氣來則形氣邪氣相平而行補瀉為順是以明知順逆正行無間如往來所取之時而取之也逆而奪之者瀉也故烏得無虛逆而濟之者補也故烏得無寔逆之隨之以意和之針道畢矣

註此詳言小針之要而針道之所以畢也小針者即上節微針也小針之要雖曰易陳而人寔難入粗工但用此針法而已也所謂神者人之正氣也神乎哉此正氣不可不守也邪氣之所感有時如客之往來有期名之曰客客在門者邪客於各經之門戶也若未能先觀何經之疾則惡知其病源所在自有所治之處哉然既知病源可行刺法但刺之微妙在於速遲遲速者即用針有疾徐之意也粗工則徒守四肢之關節而不知血氣正邪之往來上工則能守其機即知此氣之往來也然此機之動不離于骨空之中▲素問有骨空論指各經之穴言其間氣有虛寔而用針有疾徐故空中之機至清至靜至微針下既已得氣當密意守之勿失也如氣盛則不可補故其來不可逢也如氣虛則不可瀉故其往不可追也知機之道者惟此一氣而已猶不可掛一髮以問之故守此氣而勿失也不知機之道者雖叩之亦不能發以其不知虛寔不能補瀉血氣已盡而氣故不下耳由此觀之必能知其往來而有逆順盛虛之機然後要與之期乘氣有可取之時彼粗工冥冥不知氣之微密其誠聞乎妙哉工獨有之真上工盡知針意也所謂往來逆順者何哉往者其氣虛小即為速故追而濟之以行補法惡得無寔來者形氣將平即為順故迎而奪之以行瀉法烏得無虛此所以明知逆順乃正行之道而不必復問於人惟以追之隨之而以吾意和之此針道之所以畢也

凡用針者虛則實之滿則泄之宛陳則除之邪勝則虛之大要曰徐而疾則寔疾而徐則虛言實與虛若有若無察後與先若存若亡為虛為實若得若失

張所謂虛則寔之者氣口虛而當補之也滿則泄之者氣口盛而當瀉之也宛陳則除之者去脈中之畜血也邪勝則虛之者言諸經有盛者皆瀉其邪也徐而疾則寔者徐內而疾出也疾而徐則虛者疾內而徐出也言寔與虛若有若無者寔者有氣虛者無氣也察後與先若亡若存者言氣之虛寔補瀉之先後也察其氣之以下與常存也為虛為寔若得若失者言補者悅然若有得也瀉則悅然若有失也此以上論小針之法

恍惚狂
切狂貌
必

虛寒之要九針之妙補瀉之時以針為之瀉曰必持內之放而出之排陽得針邪氣得泄按而引針是謂內
溫血不得散氣不得出也補曰隨之隨之意若妄之若行若按如蚊蚋止如留而還去如弦絕令左屬右其
氣故止外門已閉中氣乃寔必無留血急取誅之

內納同按此節明解於小針解篇
彼素問針解篇所解於此稍異

此承上文而言用針之要全憑虛寔以為補瀉也凡用針者其氣口虛則當補之故曰虛則寔之也其
氣口盛則當瀉之故曰滿則泄之也氣口為百脈所朝故候此以知盛虛素問陰陽別論云氣口成寸
以決死生血脈相結則當去之故曰宛陳則除之也諸經邪盛則當瀉之故曰邪勝則虛之也大要有曰
凡欲補者徐納其針而疾出之則為補故曰徐而疾則寔也凡欲瀉者疾納其針而徐出之則為瀉故曰
疾而徐則虛也然言寔與虛真者有而若無者蓋寔者止于有氣虛者止于無氣氣本無形似在有無之
間耳察後與先真若存而若亡者蓋寔者先虛而後寔若亡而又若存也虛者先寔而後虛若存而又若
亡也亦以虛寔本以氣似在存者之間耳為虛與寔真若得而若失者蓋瀉之而虛恍然若有所失補
之而實恍然若有所得亦以虛寔本於一氣似在得失之間耳由此觀之則虛寔二字寔為用針之要其
九針之最妙者乎因虛而補之以時因是而瀉之以時不過以針為之而已其瀉者始必持針以納之終
必放針以出之排陽氣以得針則邪氣自得泄矣其補者按而引針以入之是為內溫使血不得散氣不
得出此則所以補之也補之者隨之也隨之意若人之意妄有所之若人之出妄有所行若人之指妄有
所按如蚊蚋止于其中如有所留而復有所還及針將去時如絃之絕即始徐而終疾者也右手出針而
左手閉其外門乃令左屬右之法其正氣已止於其中門戶已閉于其外
中氣乃寔必無留血如有留血當急取以責之但此補法必無留血者也

持鍼之道堅者為寶正指鍼刺無針左右神在秋毫屬意病者審視血脈刺之無殆方刺之時必在懸陽及
與兩衛神屬勿去知病存亡血脈者在俞橫居視之獨澄切之獨堅

此言持針之道在守醫工之神氣以視病者之血脈也持針之道貴於至堅故堅者為寶既以堅持其
針乃正指而直刺之無得輕針左右當自守其神氣不可眩惑其妙存于秋毫之間而已上文言上守

神者病者之神氣而此日神在秋毫神屬勿去乃醫工之神氣也所謂神在秋毫者何哉須知屬意於病
者審視其血脈之虛寔而刺之則無危殆矣方刺之時又在揚吾之衛氣為陽氣者精爽不昧而病人之
衛氣亦陽氣也當彼此皆陽使吾之神氣屬意於病者而勿去則病之存亡可得而知也然血脈何以驗
之在于各經腧穴而橫居其中者是也視之獨澄切之獨堅此其為血脈耳然必先自守其神而後可以
視病人之血脈其乃要之要乎

錢鉏銜
切鉏音
低鉏音
皮喉謝
微切莞
音毫

恒曲王
切不足
也

九鍼之名各不同形。一曰鑱鍼長一寸六分。二曰員鍼長一寸六分。三曰鍤鍼長三寸半。四曰鋒鍼長一寸六分。五曰鈹鍼長四寸廣二分半。六曰員利鍼長一寸六分。七曰毫針長三寸六分。八曰長鍼長七寸。九曰大鍼長四寸。鑱鍼者頭大末銳。瀉陽氣員鍼者鍼如卵形。指摩分間不得傷肌肉。以瀉分氣。提鍼者銳如黍粟之銳。主按脈勿滯。以致其氣。鋒鍼者刃三隅。以發痼疾。鈹針者末如劍鋒。以取大膿。員利針者大如釐且員。且銳。中身微大。以取暴氣。毫鍼者尖如蚊虻喙。靜以徐往。微以久留之。而養以取痛痺。長鍼者鋒利身薄。可以取遠痺。大鍼者尖如挺。其鋒微員。以瀉機關之水也。九鍼畢矣。

張此節論九鍼之法蓋首篇統論小針及九針之道是以前後論小針而詳釋于小針解中此節論九針故詳釋於九針論內而小針解中不與也虛實之要九針最妙為其各有所宜也補瀉之時以針為之者與氣開合相得也排陽得針者排針而得陽氣者也得其正氣則邪氣去矣內溫者針下熱也謂邪氣去而正氣不出也此論瀉邪而養其正也隨之者追而濟之也之往也若妄之者雖追之而若無有所往若行若按如蚊虻止如留而還也去如弦絕者疾出其針令左手按痛右手出針其正氣故得止于內而外門已閉中氣乃實矣此補正運邪之法故必無留血設有留血急取而誅之堅者手如握虎也正指直刺者義無邪下欲端以正也神在秋毫審視病者靜志觀病人無左右視也懸陽心也心藏神方刺之時得之于心則神属于病者而如病之存亡矣經云取血于榮取氣于衛衛氣行陽行陰者也故于兩衛間以取陰陽之氣衛氣行篇曰是故謹候氣之所在而刺之是謂逢時在于三陽必候其氣在陽分而刺之病在于三陰必候其氣在陰分而刺之論經論也刺節真邪篇曰六經調者謂之不病一經上實下虛而不通者此必有橫絡盛加于大經令之不通視而瀉之此所謂解結也故有血絡橫在於經輪者當視之獨清切之獨確而去之也九針者有九者之名有九者之形各隨其所宜而用之九針之論畢矣

註此言九鍼之體而及其所以為用也大義見本經九針論第七十八篇故此不詳解之▲後九針論有九針圖

夫氣之在脈也邪氣在上濁氣在中清氣在下故針陷脈則邪氣出針中脈則濁氣出針太深則邪氣反沈病益故曰皮肉筋脈各有所處病各有所宜各不同形各以任其所宜無寔無虛損不足而益有餘是謂甚病病益甚取五脈者死取三脈者恒奪陰者死奪陽者狂鍼害畢矣

註張此復論小針刺邪之法而并論其要害焉風雨寒暑之中人也高故邪氣在上也水穀入胃其精氣上

故清氣在下也陷脈頰頰之脈頰陷於骨中故針陷脈則陽之表邪去矣中脈足陽明之合三里穴也針

太深則邪氣反沉者言浮淺之病不欲深刺也深則邪氣從之入故曰反沉也皮肉筋骨各有所處者言

經絡各有所主也故病各有淺深之所宜形有皮肉筋脈之不同各隨任其所宜而刺之無實寔無虛虛

若損不足而益有餘則病益甚矣五臟五腑諸陰之脈也如中氣不足則血脈之生原已虛再大瀉其諸

陰之脈是虛於中而脫於外也三陽之脈惟却也言盡瀉三陽之氣令人病怏然不復也奪陰者死

言取人之五里五往者也五版篇曰迎之五里中道而止五至而已五往而藏之氣盡矣奪陽者狂正言

取之五里而或奪其陽也此論針之為害畢矣張開之曰取尺之五里取皮膚膚陽分之氣血也而曰奪陰

者謂陽分之血氣生於五臟之陰也病在中氣不足而大瀉諸陰之脈者死謂諸陰之脈生於中焦之陽

明陽生於陰而陰生於陽也

註馬此言三氣之當刺而又舉針害以為戒也邪氣之中人也高凡風寒暑雨之邪由上感之故曰邪氣在

上也邪氣由風門風府而入水穀皆入於胃其精微之氣上注於肺而寒溫不適飲食不節則濁

氣獨留于腸胃而病生故曰濁氣在中也清濕之地氣中人也必從足始故曰清氣在下也治之者必針

於上以取其陷脈則上之邪氣可出針其中脈以取足陽明胃經之合即三里穴則中受濁氣可出然

針之不宜太深正以淺浮之病不欲深刺若刺之深則邪氣從之反沉而病益深也故曰皮肉筋脈經絡

刺之而氣不至無問其數刺之而氣至乃去之勿復鍼鍼各有所宜各不同形各任其所為刺之要氣至而

有效效之信若風之吹雲明乎若見蒼天刺之道畢矣

註張此言刺之效以得氣為要也上文言病各有所宜此言針各有所宜而有大小長短之

形不同各任其所宜而用之也若風之吹雲明乎若見青天邪散而正氣光明也

註馬此又言刺道之要以氣之至與不至為度也凡刺之而氣尚未至當無問其數以守之所謂如待貴人

不知日暮者是也若刺之而氣已至則乃去其針耳上文曰皮肉筋脈各有所處病各有所宜各不同

形各以任其所宜而此又重言針各有所宜各不同形各任其所為者呼吸之意也所謂刺之而氣至乃去之勿復針者何哉不以刺之為要既以氣至而有効則信哉有効之時若風吹雲明乎若見蒼天此為有効之驗也

二十七氣行於上下五輸從絡旁而入於中與二十七氣相合水穀所生之血氣從大絡而出於皮膚復從五俞而注於經脈故曰二十七氣所行皆主五俞也六府以原經相合亦為五俞

黃帝曰願聞五藏六府所出之處岐伯曰五藏五輸五五二十五輸六府六輸六六三十六輸經脈十二絡脈十五凡二十七氣以上下所出為井所溜為榮所注為輸所行為經所入為合二十七氣所行皆在五輸也

此言用針者當知藏府經脈之血氣生始出入夫榮衛血氣皆生於胃府水穀之精榮行脈中衛行脈外血行脈中氣行脈外然脈內之血氣從絡脈而滲灌於脈外脈外之氣血從絡脈而留注於脈中外

內出入之相通也五藏內合五行故其俞五六府外合六氣故其輸六蓋六氣生於五行而有二大也經脈十二六藏六府之經脈也絡脈十五藏府之十二大絡及督脈之長強任脈之尾翳脾之大包凡二十

七氣之血氣出入于上下手足之間所出為井所溜為榮所注為輸所行為經所入為合此二十七氣之所行皆在於五俞蓋十二經脈之血氣本於五藏五行之所生而脈外皮膚之氣血出於五藏之大絡留

注於榮輸而與脈內之血氣相合於肘膝之間此論藏府經脈血氣出入也

此言藏府有井榮輸原經合之穴皆經絡之脈所由行也五藏包心肺脾肝腎也每藏有井榮輸經合之五輸則五五二十五俞也六府者胆胃大腸小腸三焦膀胱也每府有井榮輸原合經之六輸則六

六三十六俞也夫藏有五府有六而又加心包絡一經則經脈計有十二十二經有十二絡穴而又不加長督之長強任之尾翳及脾又有大包則絡脈計有十五此十五絡穴據本經經脈篇而言難經不言長

強尾翳而言陽蹻陰蹻者非經旨也又據素問平人氣象論則胃有二絡乃豐隆虛里觀脾有二絡公孫大包則胃宜有一絡也

始所出之穴名為井穴如水之所出從山下之井始也如肺經少商之類水從此而流則為榮穴榮者釋文為小水也如肺經魚際之類又從此而注則為輸穴輸者注此而輸運之也如肺經太淵之類又從而

經過之則為經穴如肺經經渠之類又從而水有所會則為合穴如肺經尺澤之類是二十七氣所行皆在此井榮輸經合之五俞耳言五俞而不言原穴者以陰經有俞而無原而陽經之原以俞井之也

節之交三百六十五會知其要者一言而終不知其要流散無窮所言節者神氣之所游行出入也非皮肉筋骨也

血者神氣也二十七氣

三百六十五會
總屬有
氣之流
行故曰
知其要
者一言
而終
風乃天
之正氣
四時有
之

張此言刺節者當知神氣之所出入也神氣者真氣也所受於天與穀氣升而充身者
註故知其要一言而終不知其要流散無窮也此絡脈之滲灌諸節非皮肉筋骨也

馬此言節之所交正神之所出入此其為要之當知也凡節之所交計三百六十五會寔經絡滲灌諸節
註者也此節者乃要之所在故能知其要可一言而終不知其要則流散無窮矣此四句又見素問至
真要大論但彼以司天在泉之尺寸左右應與不應言之且節者即神氣之所游行出入也非皮肉筋
骨之謂也由此觀之則欲行針者當守其神而欲守神者當知其節學者可不於三百六十五會而求之
哉

觀其色察其目知其散復一其形聽其動靜知其邪正右主推之左持而禦之氣至而去之

註此與後四
時氣篇第

十四節
相似

馬此言上工觀五色於目知色之散復即知病之散復矣知其邪正者知論虛邪與正邪之
註風也右主推之左持而禦之者言持針而出入也氣至而去之者言補瀉氣調而去之也

目此又言用針之法察色辨形以詳審之然後可以行針也人之五色皆見於目故上下觀其色必察其
目知其正氣之散復又必一其形聽其動靜凡尺之小大緩急滑濇無不知之遂以言其所病然後能
知虛邪正邪之風由是右手主於推之所以入此針也左手則持針而
禦之然後可以出此針也正以候其補瀉已調氣之已至始去其針也

**凡將用針必先診脈視病之劇易乃可以治也五藏之氣已絕於內而用針者反實其外是謂重竭重竭必
死其死也靜治之者輒反其氣取腋與膺五藏之氣已絕於外而用針者反實其內是謂逆厥逆厥則必死
其死也躁治之者反取四末**

馬此言用針者必先診脈視五藏之氣劇易乃可以治也所謂五藏之氣已絕於內者脈口氣內絕不至
註反取其外病之處與陽絡之合有留針以致陽氣陽氣至則內重竭重竭則死矣無氣以動故靜此言
五藏之陰生於中焦之陽故外致其陽則內重竭矣五藏之氣已絕於外者脈口氣外絕不至反取其四
末之輸有留針以致其陰氣陰氣至則陽氣外入八則逆逆則死矣其死也陰氣有餘故躁此言陰內而

陽外陽氣內
入則為逆矣

馬此又言用針之要必先診脈而誤治者所以害人也凡將用針必先診脈視脈氣之劇易乃可以治之
註五藏之氣已絕於內則脈口氣內絕不至▲內絕不至者重竭之而脈不至▼當寔其內焉可也而用

針者反取其外之病處與陽經之合穴有留針以致陽氣陽氣至則內重竭重竭則死其死也無氣以動故靜所謂反寔其外者即輒反其氣取腋與膺也腋與膺者諸藏穴之標也外也五藏之脈已絕於外則脈口之氣外絕不至▲外絕不至輕與之而脈不至▼當寔其外焉可也而用針者反寔其內取其四末之穴即并榮輸經合諸藏穴之本也內也乃留針以致其陰氣則陽氣入陽氣入則厥逆厥逆則死其死也陰氣為陽搏而有餘故躁▲陽氣內入而陰氣有餘故陽入則躁▼按此節以脈口氣內絕不至為陰虛理當補陰即補藏脈口氣外絕不至理當補陽即補府難經以寸口之心肺為外為陽尺之腎肝為內為陰乃泰越人之臆說而非小針解之本義也

刺之害中而不去則精泄害中而去則致氣精泄則病益甚而恒致氣則生為癰瘍按本經寒熱病篇云凡刺之害中而不去

則精泄不中而去則致氣此此節多一不字據大義此分補寫彼止以寫實言

張此言取氣之太過不及而皆能為害也夫氣生於精故刺之害中病而不去其針則過傷其氣而致泄其生原故病益甚而恒刺之害中而即去其針邪未盡而正氣未復則致氣留聚而為癰瘍癰疽篇曰經脈流行而不止與天同度與地合紀天宿失度日月薄蝕地經失紀水道流澍血脈榮衛周流不休氣血不通故為癰腫蓋榮衛氣血運行於外內上下之不息也是以首篇與第八十一篇始終論精氣之生始出入若陰陽不調血氣留滯則為癰瘍矣

馬此承上文而言行針之誤也凡刺者寫寔既中其害則當去其針而久之不去則精氣反泄所以病益甚而恒也凡刺者補虛既中其害則當留針而遂乃去之則邪氣仍致所以生為癰疽也彼寒熱病篇乃曰不中而去則致氣是亦本寫寔者而言也蓋言不中其害而疾去其針則邪氣仍在所以生為癰疽也癰疽與癰瘍無異

五藏有六府六府有十二原十二原出於四關四關主治五藏五藏有疾當取之十二原十二原者五藏之所以稟三百六十五節氣味也五藏有疾也應出十二原十二原各有所出明知其原觀其應而知五藏之害矣陽中之少陰肺也其原出於太淵太淵陽中之太陽心也其原出於太陵太陵陰中之少陽肝也其原出於太衝太衝陰中之至陰脾也其原出於太白太白二陰中之太陰腎也其原出於太谿太谿二膏之原出於鳩尾鳩尾一盲之原出於腓腓一凡此十二原者主治五藏六府之有疾者也

本經凡取經脈則曰太淵大陵之類凡取脈外之氣則曰少陽太陽少陰陰太陽

經此論氣味所生之津液從藏府之膏肓外滲於皮膚絡脈化赤為血榮於經俞注於藏府外內出入之

相應也津液者水穀氣味之所生也中焦之氣蒸津液化其精微發泄於腠理淖澤注於骨補溫腦

潤澤皮膚是津液注於三百六十五節而滲灌於皮膚肌腠者也溢於外則皮肉膏肥餘於內則膏肓豐

滿益膏者藏府之膏肓者腸胃之募原也氣味所生之津液從內之膏肓而淖澤於外是以膏肥之人

其肉淖而皮縱緩故能縱腹垂腴外內之相應也癰疽章曰中焦出氣如露上注穀谷而滲孫脈津液和

調變化而赤為血和則孫脈先滿溢乃注於絡脈皆盈乃注於經脈陰陽已張因息乃行行有經紀周

有道理與天合同不得休止夫絡谷者皮膚之分肉是津液外注於皮膚從孫絡化赤而注於藏府之原

經故曰十二原者五藏之所以稟三百六十五節氣味也四關者兩肘兩腋兩髀兩膕皆機關之室真氣

之所過血絡之所游行者也十二原出於四關四關主治五藏者謂藏合府而府有原原有關而關應藏

藏府陰陽相合外內出入之相通也故曰明知其原觀其應而知五藏之害矣肝心脾肺腎內之五藏也

陽中之少陰陰中之少陽五藏之氣也故藏府有病取之經脈之原脈取三陽陰泄取三陰此病在三陰

三陽之氣而取之氣也此節論血氣生始出入之原故篇名九針十二原謂九針之道與陰陽血氣之相

也合

經此言五藏六府之有疾者當取之十二原穴也內有五藏外有六府以為之表裡藏府有十二原穴十

二原穴出於四關四關者即手足肘膝之所乃關節之所係也故凡井榮俞經合之穴皆手不過肘而

足不過膝也此四關者主治五藏凡五藏有疾當取之十二原正以十二原者五藏之所稟三百六十五

節之氣味也故五藏有疾應出於十二原十二原各有所出必明知其原觀其應而知五藏之為害矣故

心肺居於膈上皆為陽陽中之少陰肺也其原出於太淵左右各一掌後陷中肺脈所注為俞土針二

分留二呼灸三壯陰經無原俞穴代之餘做此陽中之太陽心也其原出於太陵左右各一按大陵

係手厥陰心包絡經穴所注為俞土此經代心經以行事故不曰本經之神門而曰包絡經之大陵在掌

後骨下兩筋間針六分留七呼灸三壯腎肝居於膈下而脾居中州皆為陰陰中之少陽肝也其原出

於太衝左右各一足大指本節後二寸動脈應手陷中肝脈所注為俞土針三分留七呼灸三壯陰

中之至陰脾也其原出於太白左右各一足大指內側內踝前核骨下陷中脾脈所注為俞土針三分

留七呼灸三壯陰中之太陰腎也其原出於太谿左右各一足內踝後跟骨上動脈陷中男子婦人

病有此脈則生無則死腎脈所注為俞土針三分留七呼灸三壯足內踝後跟骨上動脈陷中男子婦人

腎一方名髀髀蔽骨之端在臍前蔽骨下五分人無蔽骨者從岐骨下一寸言其骨垂下如鳩尾形禁灸大

妙手方可針有之原出於臍臍下五分之一名下氣海一名下育臍下一寸半宛宛中男子生氣之海

針八分得氣瀉復宜補之灸七壯按本篇止言五藏之原而不言六府乃以鳩尾臍臍足之難經六十

六難則五藏之外言少陰之原出於兌骨胆之原出於丘墟胃之原出於衝陽三焦之原出於陽池膀胱

之原出於京骨大腸之原出於合谷小腸

之原出於腕骨則始於十二原為悉見

服取三陽。瘡泄取三陰。

註此言服與瘡泄各有所取之經也。凡病服者當取足三陽經。即胃脾膀胱也。凡瘡泄者當取足三陰經。即脾肝腎也。

今夫五藏之有疾也。譬猶刺也。猶汚也。猶結也。猶閉也。刺雖久。猶可拔也。汚雖久。猶可雪也。結雖久。猶可解也。閉雖久。猶可決也。或言久疾之不可取者。非其說也。夫善用鍼者。取其疾也。猶拔刺也。猶雪汚也。猶解結也。猶決閉也。疾雖久。猶可畢也。言不可治者。未得其術也。

張張開之曰。百病之始生也。皆生於風雨寒暑。陰陽喜怒。飲食起居。大驚卒恐。則血氣分離。陰陽破散。經絡厥絕。脈道不通。夫風雨寒暑。大驚卒恐。猶刺猶汚。病從外入者也。陰陽喜怒。飲食起居。猶結猶閉。病由內生者也。千般疾難不出外內二因。是以拔之雪之。仍從外解。解之決之。從內解也。如是二者。病雖久。猶可畢也。言不可治者。不得其因也。張玉師曰。汚在皮毛。刺在肌肉。結在血脈。閉在筋骨。

註此詳喻久疾之猶可治也。

刺諸熱者。如以手探湯。刺寒清者。如人不欲行。陰有陽疾者。取之下陵三里。正往無殆。氣下乃止。不下復始也。疾高而內者。取之陰之陵泉。疾高而外者。取之陽之陵泉也。

張寒熱風雨寒暑之外。襲也。故刺諸熱者。如以手探湯。謂熱在皮膚。所當淺取之也。寒冷者。內陰之虛寒。宜深取之。靜以守氣。故如人不欲行也。陰有陽疾者。陽邪而入於內也。下陵三里。在膝下三寸。足陽明之經。陽明之主。開也。至往無殆。氣下乃止。使即從下解也。疾高而內者。裡陰之病。見於上也。陰陵泉乃太陰之經。太陰之主。開也。使在內之病從開而上出也。蓋言陽病之入於內者。即從下解。陰病之出於上也。即從外解也。病高而外者。外邪高而病在外之下也。陽陵泉乃少陽之經。少陽之主。樞也。蓋邪在高而欲下入於內。故使從樞外出。勿使之內入也。張玉師曰。疾高而取陰之陵泉。陽之陵泉。應司天在泉上下相通。從氣上出也。

疾高而外即傷寒論所謂邪高痛下

閉音下搏也

馬此言諸病各有當治之穴也。凡刺諸熱者。如以手探湯。其熱可畏也。刺寒冷者。如人不欲行。其寒可畏也。陰經有陽病者。當取之下陵三里。係足陽明胃經穴。即三里穴。係四字一名。又見下本輸篇。用針以正往者。則無殆。候其氣至乃止針。如不下。當復始也。疾高而在內者。當取之下。故陰陵泉在膝內下。廉係足太陰脾經穴。必取此而刺之。所以應其上之內也。疾高而在外者。亦當取之下。故陽陵泉在膝下。

外庸係足少陽胆經穴必取此而刺之所以應其上之外也

本輸第二

馬輸俞輸三字古通用輸者以其脈氣之轉輸也俞者從有輸從肉本篇輸字是言推本各經之有輸穴也故名篇

黃帝問於岐伯曰凡刺之道必通十二經絡之所終始脈絡之所別處五輸之所留六府之所與合四時之所出入五藏之所溜處潤數之度淺深之狀高下所至願聞其解

張按經脈之所終始手之三陽從手走頭足之三陽從頭走足足之三陰從足走腹手之三陰從腹走手於榮注於肺而終於肝常榮無已終而復始此血氣循行之終始也本篇論五藏六府之脈皆出於指井溜與經脈絡處通血脈於孫絡滲出於皮膚者也五藏之所留六府之所與合謂五藏之五輸六府之六輸也四時之所出入血氣隨四時之氣而生長收藏也五藏之所溜處謂五藏之血氣溜於脈中變見於氣口五藏之氣血溜於脈外從五里而變見於尺膚此五藏之血氣溜於皮膚經脈之外內者也潤數寬窄也夫經脈有三百六十五穴會絡脈有三百六十五穴會孫脈亦有三百六十五穴會經脈寬大孫脈窄小故有潤數之度也淺深者乃絡淺而經深也高下所至者血氣之上下循行也

岐伯曰請言其次也肺出於少商少商者手大指端內側也為井水溜於魚際魚際者手魚也為榮注於太淵太淵魚後一寸陷者中也為腧行於經渠經渠寸口中也動而不居為經入於尺澤尺澤肘中之動脈也

為合手太陰經也

張次序也井者木上有水乃滲滲皮膚之血從井木而溜於脈中注於腧行於經動而不居行至於肘膝而與經脈之氣相合者也肺中肝脾腎內之五藏也胆胃大腸小腸三焦膀胱內之六府也手足太陰

少陰太陽少陽外之經氣也肺出於少商者謂藏府之血氣從大絡而注於孫絡皮膚之間肺藏所出之血氣從太陽而合於手太陰之經也少商在手大指內側去爪甲如韭葉許為井木魚際在大指下高起

之白肉際為榮火中有如魚腹因以名之大淵在魚後陷中為輸去經渠寸口中動脈為經金尺澤在肘中為合水此言肺經井榮俞經合之穴也十二經者手足經各有三陰三陽也十二絡者十二經各有一絡穴惟脾有公孫大包二絡其督脈經之長強任脈經之尾闕共有十五絡穴也五輸者即每經之井榮輸經

十二藏府之脈出於井者經脈之實通是十二經脈止論至

六府之血氣從大絡而外注於皮膚從指井而內注於血脈故曰必通絡脈之所別處